

**Atuisoqarnermut Unammilleqatigiinnermullu Aqutsisoqarfíup sulinera pillugu
Namminersorlutik Oqartussat nalunaarutaat nr. 5, 10. marts 2016-imeersoq**

Unammilleqatigiinneq pillugu Inatsisartut inatsisaanni nr. 1, 15. maj 2014-imeersumi § 26, imm. 3 naapertorlugu aalajangersarneqarpoq:

Kapitali 1

Atuisoqarnermut Unammilleqatigiinnermullu Aqutsisoqarfíup sulinera

§ 1. Atuisoqarnermut Unammilleqatigiinnermullu Aqutsisoqarfík Unammilleqatigiinnermut Ataatsimiititaliamut allatsitut atuuppoq unammilleqatigiinnermullu inatsisip aqunneqarnerani Naalakkersuisunut attuumassuteqarani.

Imm. 2. Atuisoqarnermut Unammilleqatigiinnermullu Aqutsisoqarfík pisortamit Atuisoqarnermut Unammilleqatigiinnermullu Aqutsisoqarfíup sulineranut pingaarnertut akisussaasumit aqunneqarpoq. Taassuma peqannginnerani tullissortaasoq qaninnejq paarlatsitut aqutsisuussaaq.

Kapitali 2

Piginnaatitaaffiit

§ 2. Atuisoqarnermut Unammilleqatigiinnermullu Aqutsisoqarfíup suliassat Unammilleqatigiinnermut Ataatsimiititaliap suleriaasia aamma ingerlatsinera pillugu Namminersorlutik Oqartussat nalunaarutaanni §§ 4-6 malillugit Unammilleqatigiinnermut Ataatsimiititaliap suliarisassai aalajangiiffigisassaalu imaluunniit Atuisoqarnermut Unammilleqatigiinnermullu Aqutsisoqarfíup Unammilleqatigiinnermut Ataatsimiititaliamut saqqummiunneqartariaqartutut isigisai Unammilleqatigiinnermut Ataatsimiititaliamut saqqummiutissavai.

Imm. 2. Malittarisassanut missingiut Unammilleqatigiinnermut Ataatsimiititaliap unammilleqatigiinnermut inatsit naapertorlugu aalajangiiffigisassaa Atuisoqarnermut Unammilleqatigiinnermullu Aqutsisoqarfíup Unammilleqatigiinnermut Ataatsimiititaliamut saqqummiutissavaa.

Imm. 3. Unammilleqatigiinnermut Ataatsimiititaliap aalajangiiffigisai Atuisoqarnermut Unammilleqatigiinnermullu Aqutsisoqarfíup suliarissavai ulluinnarnilu unammilleqatigiinnermut inatsimmik aqutsineq pillugu ataatsimiititaliaq ilisimatittassallugu.

§ 3. Atuisoqarnermut Unammilleqatigiinnermullu Aqutsisoqarfíup Unammilleqatigiinnermut Ataatsimiititaliaq sinnerlugu suliassat § 2, imm. 1-imi 2-milu ilaatinneqanngitsut, Unammilleqatigiinnermut Ataatsimiititaliap suleriaasia inassuteqaatalu naapertorlugin aalajangiiffigissavai. Aamma Atuisoqarnermut Unammilleqatigiinnermullu Aqutsisoqarfíup Unammilleqatigiinnermut Ataatsimiititaliaq sinnerlugu suliassat § 2, imm. 1-imi 2-milu ilaatinneqartut

piareersarneqarnissaannut atugassat aalajangiiffigissavai.

Imm. 2. Tamatuma saniatigut Atuisoqarnermut Unammilleqatigiinnermullu Aqutsisoqarfipisortaata Unammilleqatigiinnermullu Ataatsimiititaliaq peqatigalugu suliassat ataatsimiititaliapataatsimiinnissaanut utaqqisinneqarsinnaanngitsut aalajangiiffigissavai.

Imm. 3. Atuisoqarnermut Unammilleqatigiinnermullu Aqutsisoqarfip imm. 1 aamma 2 malillugit aalajangiiffigisai pillugit nalunaarut Atuisoqarnermut Unammilleqatigiinnermullu Aqutsisoqarfipisortaata Unammilleqatigiinnermullu Ataatsimiititaliap tullissaani ataatsimiinnerani saqqummiutissavaa.

§ 4. Atuisoqarnermut Unammilleqatigiinnermullu Aqutsisoqarfiptamatumunnga atatillugu unammilleqatigiinnermut inatsisip aqunneqarnera aamma aqutsisoqarfip sulinera pillugit paasisuttissat kiisalu unammilleqatigiinnermi pissutsinut tunngatillugu nalinginnaasumik nassuaatit allat tamanut saqqummiussinnaavai.

§ 5. Atuisoqarnermut Unammilleqatigiinnermullu Aqutsisoqarfip pisortaata aalajangissavaa, unammilleqatigiinnermut inatsisip unioqququnneqarneranut unnerluussummik qaqtsinissaq siunertaralugu unammilleqatigiinnermullu inatsimmi § 38 naapertorlugu akileeqqusissutissap annertussusissaanut imaluunniit allatut pineqaatissiisoqarnissaanik inassuteqaatitalerlugu unnerluussisussaatitaasunut saaffiginnittooqassanersoq.

Imm. 2. Atuisoqarnermut Unammilleqatigiinnermullu Aqutsisoqarfip pisortaata aalajangissavaa, unammilleqatigiinnermut inatsimmi § 37 naapertorlugu suliffeqarfiiit ullut tamaasa imaluunniit sapaatip akunneri tamaasa pinngitsaaliisummik akiliisinneqartassanersut .

Kapitali 3

Aalajangiinerit

§ 6. Atuisoqarnermut Unammilleqatigiinnermullu Aqutsisoqarfip aalajangiiffigisai allaganngorlugit nalunaarutigineqassapput, imarissavaalu pissutsit isummallu aalajangiinermut aalajangiisuusimasut.

Imm. 2. Aalajangiinerit Kalaallit Nunaanni Eqqartuussivimmut suliassanngortinnejarnissaanput ilitsersuummik ilaqaqtinneqassapput naammagittaalliorinnaanermut ilitsersuutitalerlugin, tassuuna nalunaarlugit naammagittaalliortarfik naammagittaalliussagaannilu qanoq iliortariaqartoq immaqalu aamma ullut qassit qaangiutsinnagit naammagittaallioroqartariaqartoq.

Kapitali 4

Nalunaarutit apeqquteqaatillu

§ 7. Unammilleqatigiinnermut inatsimmi § 2, § 8, § 9, § 11, § 12, § 13 aamma § 14 naapertorlugit nalunaarutit apeqquteqaatillu Atuisoqarnermut Unammilleqatigiinnermullu Aqutsisoqarfimmun tunniunneqassapput.

Kapitali 5

§ 8. Atuisoqarnermut Unammilleqatigiinnermullu Aqutsisoqarfik Unammilleqatigiinnermут
Ataatsimiitaliaq sinnerlugu paasissutissanik tamanik piumasaqarsinnaavoq, taakkununnga
ilanngullugit naatsorsuutit, naatsorsuutinut atortussat, allattuiffiit assilineri, niuernermi pappiaqqat
allat aamma nalunaarsuutit elektroniskimik toqqortarineqartut sulinermi pisariaqartutut isigineqartut
imaluunniit pissutsit inatsisartut inatsisaani aalajangersakkanut ilaanersut aalajangiiffiqeqarnissaannut
pisariaqartutut isigineqartut, tak. unammilleqatigiinnermут inatsimmi § 30.

Kapitali 6

Nipangiussisussaatitaaneq

§ 9. Atuisoqarnermut Unammilleqatigiinnermullu Aqutsisoqarfimmi sulisut pisortat ingerlatsineranni
suliassat suliarineqartarnerat pillugu inatsisartut inatsisaanni nipangiussisussaatitaaneq pillugu
malittarisassat malillugit nipangiussisimasussaatitaapput.

Kapitali 7

Atortuulersitsineq

§ 10. Nalunaarut manna atuutilissaaq ulloq 1. aprili 2016.

Namminersorlutik Oqartussat, ulloq 10. marts 2016

Vittus Qujaukitsoq

/

Jørn Skov Nielsen